



VOL. X. NO. 6.

JANUARY 15, 1907.

50 cents a year.

Published Monthly, at St. Michaels. Fort Totten, P. O., N. Dakota.
ENTERED AS SECOND CLASS MATTER AT THE POST-OFFICE AT FORT TOTTEN, N. DAK.

CANKAICICUYA (CRUSADE) OKICIZE KIN.

JERUSALEM Otonwane Wakan kin hel Jesus onnye na hetannan Jesus wicalapi kin hena wocekiye wastekilapi na tehilapi on maka akanl otonwane kin he lila wakanlapi. Oyate otapi tka hena owasin Wakantanka etkiya wowicala yuhapi sni. Tuwe taku wan tanyan slolyin na okahnige kin ne taku wicala qon ahokipin na nakicijin kta. Jerusalem otonwane wakan kin ne oyate tona Jesus wicalapi kin onolapi.

Tka Jerusalem oninni atanla se Christians kin nape ogna yunapi sni. Tuwa taku waste yuha na tuwa tokanl el nape yeyin na yuſice kin, tawa qon he el ekitorwaneece. Jerusalem ecela Christians kin tehilapi na onolapi sni tka, nakun Bethlenem, Judea na Calvary, lena Jesus maka akanl ni on qon nenan, el onnye na el ohan wakan kpazo na he etannan tahena ketkiya wocekiye u. Lena tehilapi on Cankaicicuya okicize wan econpi.

Cankaicicuya Okicize kin le tanyan onkokaſnigapi kta hecina hekta enanni wanyetu koktopawinge wanji sam opawinge nom sam wikcemna ſakpe sam ſaglogan (1268) na he wanyetu yawapi kin 638 nenan qon, nenan wicoſan ca naonhonpi kte:

He omaka kin Jerusalem ne oyate wan Arabian Moslems ewicakiyapi ca ne icupi. Hehan neceheſi tawa iciyapi eſa, Christians kin tokaſni tipiwakan qeya wakanlapi hiyeſe qon hena ogna tokel cinpi ka wacekiyapi iyowinwicakiyapi. Taku on Arabian Moslems le heconpi kin ne wokajuju qeya Christians kin glaju-

yapi kin heon na eneſ Wakantanka iye onolapi kta taku hececa awacinpi ſni. Owacekiye wakan iyotan waſte hee kin hel lila aya canke tuwe wan hel tima yin kte cin tima iyaye ſni nanna mazaska zi heca wanji glajuju. Qeyas Christians kin lila Wakantanka wicalapi yelakaſ toka ki-yapi ſni. Tuwe hel maka okaſpe oitanan ke eſa owacekiye kin lena woanapte kaſe ſni nantanſ Christians kin iyokipipi. Wanyetu opawinge top heanayan toka ſni Jerusalem el Christians kin Wakantanka onolapi. Moslems kin tanyan wakamnap iye-lakaſ wocekiye kin takuni ikuſe yapi cinpi ſni. Christians wicota Jerusalem ena wocekiye on inaktapi na lila el oiglemcapi na iyokipi iciyapi Takomni makoce kin lena Wakantanka Cinhintku kin ni on qon nenan hena ali onnye lakaſ lila onolapi.

Yunkan Turks kin lena makoce waſte kin Moslems kin wicakipi na yuhapi. Le oyate kin inſ tokecaſi hea. Takuni onolapi ſni. Jesus Christ slolyapi ſni kin heon tona he cekiſyapi na onolapi na yuoninanpi kin hena necetu ſni lakapi. Makoce na otonwane kin hena wana tawapi on tokel iye cinpi econpi kta awacinpi. Iye Turks, Mohammedan wocekiye yunapi on wocekiye atokca nena makoce tawapi el iyoptin kte ſni cinpi. heon wancak owacekiye qeya waſteſte hiyeſe na owanka qeya wakanlapi qon hena toka kiſyapi ſni na wainangyapi hea. Owacekiye kin hena yujuju anpi na tona he wocekiye kin opapi kin wicakte awicaupi. Lila wicota wocekiye tawowicala nakicijinpi on wiconſe kin toka ki-yapi ſni. Ecani eſ lila Wakantanka cekiſyapi na ilowanpi. Wakantanka Cinhintku hapi el wanjigji cankepeſka makagle tpi—wicaktepi. Jeru-

salem ekta nakun lila oicimani. Makena owancaya woawacin waſteſte on aicimanipi. Wanjigji wayazanpi canna Jerusalem ekta ipi canna akiſiipi on Wakantanka Cinhintku maka wan omani qon he oſtan manipi kin akiciſipi kta wowicala yuhapi na iyotiſekiya icimanipi. Wana le Christians qeya tehiya wicakuwapi kin he icunhan ota ai qeyas enagna wicaktepi na inſ ogna wanjigji ni kin. Lila ſikſicaya wicakuwapi. Owacekiye wan el wacekiſyapi. Wicaſa wakan wan el cekiſe unkan Turks kin wicota mnaiciyapi na wicaſa wakan kin pehin yugmi yuzapi na nakun putinbin kin kaſeſe yuzapi na tankal yuſlonan hiſpeyapi. Timahel akanl woſnap kin kaobleblecapi. miniſa oyatke kin kaſuhugapi na tona tima yankapi kin hena wicaktepi. Yunkan leceheſi ſicaya ſkanpi kin, makoce na otonwane wakan qeya inapiſkanyapi na aliaſhapi qon Christians kin lila iyokipipi ſni. Le icunhan wicaſa wan iſnala makoskanl onnye ca Peter, "the Hermit," eci-yapi, ca he Wakantanka Cinhintku hapi maka kin ne aicimani. Yunkan lena wanyaka canke lila necetula ſni na Wakantanka Cinhintku hapi makoce kin necel kuwapi iyecetu ſni kiya. Tiyata ki na iſta maigga tokeſke Christians kin ſicaya wicakuwapi na Turks kin lila Wakantanka etkiya wocon kin onolapi ſni qon oyaka. Wancak tuweſi wakta ſni iye iyatayela wicoſan kin on naſ ye iciyin kta cin. Hehan Pope wan Urban II. eciyapi kin he ikokam i na taku toka qon iyuha okiyaka na wokiye kila. Pope kin lila cante waſteſe Peter wanyaka na tukte ogna okiyin kta iyecetu kin okiyin kta keya na Peter heon ieyapaha omani kta wowaſake qu. Canke Peter hehanl

iyotan ho kin wankapaya gluza. France ataya kinil omani. Otonwane na tuktetu eſa ocanku ogna taku on omani hecina lila ieyapaha. Lila iyotiſe kiye qeyas heon ikuſe ſni. Oyate kin lila ininani wicaya—iyotan tona Wakantanka Cinhintku wicalapi qon hena.

Wana November 1095 behan Clearmont, France el Pope Urban owoglake tanka wan kaſa. Le owoglake kin el Archbishops aketop, Bishops opawinge yamni, Abbots opawinge top, wicaſayatapi na akicita na oyate ikcekeſeya koktopawinge ota hena el emniciciyapi. Wana iyuha inila eyotake qon icunhan Peter, the Hermit, taku on owoglake kin iwo-glake qeyas oyate kin ataya wicayaceya. Tona tima yankapi kin ceyapi. Jesus wicala qeya tehiliſiya wicakuwapi na owanka waſteſte qeya Jesus el onnye qon hena taku ikceka on inapiſkanyanpi kin hena naſhonpi on canteſicapi.

Pope Urban hehanl naſin hiyayin na leceheſi woglaka: "Mitakuyepi, Wakantanka Cinhintku kin makoce wan el oicagin na wakan unlapi na teunhilapi qon he lehanu kin oyate qeya wacholapi ſni ca iliaſhapi se ſicaya kuwapi. Makoce kin he wicanagi on ni kta wan on onkiksuyapi. Yunkan lehanl ſunka kin ekayeſ tpi wakan timahel ogna woſnap kin alili oiyanapi na owanka inankeya waſte hee kin yuſapapi. Tipi wakan kin timahel tona wacekiſyapi qon hena enagna wicaktepi. nakun tuwelica ca hecon enantanſ. Wakantanka Cinhintku wicala qon hena wicaktepi on tawepi kin otonwane kin egna mini se kalus yunke na tancanpi kin tuweni wicaſhapi ſni. Wicaktepi kin lena onketanhanpi na leceheſi wicakuwapi eſa tokel onhanpi ſni kin wancak eſ

SINASAPA WOCEKIYE TAEYANPAHA.
REV. JEROME HUNT, O. S. B.
PUBLISHER and PROPRIETOR.
PORT TOTTEX. NORTH DAKOTA.

With the Approbation and
Blessing of Rt. Rev. John Shanley
D. D. Bishop of Fargo, N. Dakota.

JANUARY 15, 1907.

ehanni untanpi šni kin iyeš necetu kta tka. Otonwane wakan hecehči kuwapi na Christians hecehči wicayukakijapi slolunyanpi tka owanjila onyankahanpi kta iyecetu šni. Mitakuye. Wakantanka tawowašake na tawookiye kilapi na wipe ikicuppi na bliñeiciyapo! Iyeš okicize el wicaktepi kin pica ke na ee tokel han šni unkitakolakupi qeya wicayukakijapi na wanyang wicanaunjiñpi kte he ee necetu šni. Iyayapo. tokeša Wakantanka awaniglakapi na ni eгна un kta ce." * *

Oyate kin ataya lila ilitag hinglapi na heyapi: "Takomni Wakantanka Tawacin! Unyanpi kta!" Pope Urban heya: "Cankaičiguya (cankasusbeca) kin he wowašake yapazo luñapi kta na Wakantanka Hunku naničijñpi kta luñapi kta." Canke wowapi wan (wiyokiyena) akanl cankaiciguya wan owapi ca wapaha yuha yapi, na heñanl cankaiciguya kin lila ota yuha yapi. Wana lecehči zuya ayin kta on okilita tonka. Tona yapi kte cin mnaicijapi. Otonwane ecekel akicita ičicagapi. Wicašayatapi kin tipi wašte ogna yankapi qon ayuštampi na opapi. woju wicaša qon mačiyublu kin decena ayuštan na wicaša wakanpi kin nena ko opapi. Tiwicakte na wamanon wicašapi qon hena ašialyela atanin ičiyapi na tawahitanpi on taku econpi cinpi on zuyayapi opapi kta ičicuppi. Ozuye kin le on taku woškiške wokipajin hena owasin kaninl eyaya. Woawacin wanjila yuha yanka niyeva. Wana 80,000 nenakecapi yunkan iye ena Peter, the Hermit zuya itancan klañnigapi. Maka mani Germany, Hungary makoce kin ogna yapi na Constantinople el hinunni. Le yapi kin otahepi oyate ob kiciza aya. canke wanji ičicuppi na ins tehya manipi on tapi. Bosphorus eliyuwegapi eñanl Turks qeya el ahinunni na wicaktepi. Wicota eyaye qon etanhan conala tiyata kipi. Ozuye eyaye he icunhan tiyata akicita hea ece kohan igluwinyeyapi. Akicita ošpaye tankaheca yamni iyotan igluwinyeyapi. Wanji, Godfrey, Bouillon etanhan, wanji Lorraine el wicašayatapi na wanji akicita itancan wan, Tancred eciyapi. Lena akicita

ošpaye itancanpi. Akicita ošpaye kin lena toke cin cinyan tuweweca keš opa wicakijapi šni. Tuwa taku on okicize kin he iye iyatayela el cante yanke kin heca ece opa wicakijapi. Hinñanni na itayetu wocekiye eyapi na lowanpi. Wakantanka Cihintku Hunku na wanači wašte kin hena wicayuninapi na ohowicalapi. Akicita ošpaye tonanni tukte el lecelici tawacin wanjila wocekiye on okawita šni.

Ataya 800,000 nenakecapi. Europe opta manipi na ake Constantinople ekta ahinunni. Bosphorus el ake eyuwega. Letu ca tokaheya etanhan eyaya tka ibangwicayapi. Ake Turks winyeya knšeya onpi. Tkaš Christians kin iyuwegapi na tate tanka wanji taku ke eša kanini iyeve kin he iyecel Turks kin ibangwicayapi. Otonwane wan inyan acankaškapi ca Nicaea eciyapi kin he Turkish makokašpe Bitynia el wooporaže oyanke heca tka he Christians kin wayaka yuzapi. Eya Turks kin lila naciñjñpi kta oniyapi šni. Iyo pteya wana Jerusalem etkiya Christians aya. Asia Minor, Syria etkiya yapi. Le otonwane wan wayaka oyusapapi kin etanhan Antioch nenanyan lila tehya manipi. Ota nepipiya tapi on nonu kin skayapi se hiyeva. Tka Christians kin ozuye kin le el necel ičiconzapi; nipi na ins tapi eša tawateyapi on tapi kin toka kiyapi šni.

Antioch el onomni inyan on cankaškapi wan yunka. Le inyan conkaške kin lila sutaye iči kagapi. Sina iyutapi aketop nenanyan šoka na timanel tipi akanl owohia wankatuya kin opawinge top sam wikemna zapian nena ke ataninyan pazopi se niyeye na akicita ošpaye šake hea ece otonwane awanyakapi. Christians kin wanyakapi na takomni okiñi pica šni selececa fecinpi. Tka "Wakantanka Tawacin!" eya hinglapi na bliñeiciyapi, katniyeya yapi na conkaške kin akanl kanl eyayin na Turks kin ibangwicayapi na otonwane kin icuppi.

Ake wana June 1099 heñanl Jerusalem etkiya aya. Hannepi ataya manipi. Otonwane wakan kin hinunni ktehecin on tona wana hunkapi šni qon hena owicakijapi canke tanyan aya. Wana kajanjan na winnape kin he icunhan Jerusalem, Otonwe Wakan kin wanyakapi. Iyonyekiya zuyapi kin lila wowiyuškini ojupila. Makata ihpeciyapi na cankpeškamakagle inajinpi na maka kin iiputakapi na wowiyuškini on ceyaya kel wacekiyapi. Lila iyuškini on ena nape kiciyuzapi.

Wana le oñinunni kin 800,000 he-

nakecapi qon ešni se 30,000 henalapi. Otonwane kin etkiya sicokakala, wapošan cocola lowan aye. Olowan kin waayata wan tawoeye on iwocacajeyalya aniyayapi. "Jerusalem wankal ahitonwan tuwa mašiciyokaheha wan ničiyuškini kte cin he wanyaka yo." Lila zuyapi kin watukapi hea Jerusalem el ins akicita 40,000 nenakeca winyeya onpi. Otonwane kin inšiya inyan acankaškapi na itankatu ca akicita kin lena awanyakapi. Christians kin eya hececa eša bliñeiciyapi. "Wakantanka Tawacin!" woeye kin he lila wacinyanpi. Wana etkiya tawicakpapi akicita tankal awanyakapi kin ob econpi na hankeya conkaške kin tiyonakipa wicayapi. Otonwane tankatanhan qon he wana Christians oniyapi canke nenanl timanel yapi kta ceyas conkaške tiyopa kin tokani yuhlokapi šni. Heñanl tankatanhan tuktemi can wanica canke taku on yuhlokapi kta tanin šni. Onomni Christians kin Wakantanka wacinyanpi. Akicita tonakel tiyopa on yuhlokapi kta ikicanye wanji oie ye wicašpi. Canke iyayapi yunkan tukte el osmaka wan el can tankatank qeya iyeyapi. —Wakantanka heñ nena ewicakignake kin he sloiyapi. Aglipi na on pilapi.

Wana le otonwane tima iyayapi kta škanpi kin he icunhan lila mašte tanka canke ipuza wicakicini. Šunkakan waqin wicakijapi kin on ipuzatanapi. Maka iyutapi šakpe nenanyan ecela omni yowe qeyas tuwe hetkiya muni niyoye kin inonpa ghšni canke muni la woyute na okata on wicakicini kinicapi. Le icunhan tuweya wan hihunni na Jota el wata wan ogna woyute wicakicicani keya oyaka. Heñantu hee ičekiniciapi kin iyeñanl Wakantanka owicakiya. Woyute na ti kagapi ko hipi. Canke Jerusalem tiyopa qon toka šni kahlokapi okihipi. Le wata kin hihunni šni kin okinas Christians kin Jerusalem otonwane kin itankal ta hiyeyin kta tka. Tka wana Wakantanka owicakiya on tima iyayapi okihipi.

July 8, hihanni eciyatanhan wana Jerusalem etkiya ake aye. Itankal Mount Calvary, Jesus hapi makoce kin wanyakapi na on wicaša wakan wan (Flemish Priest) ena wicaša ikcekecka Arnuff na Peter, Amiens etanhan hena zuyapi kin waewicakijapi na on ake iyuha okiwanjila nape kiciyuzapi tohan nipi kin heñanyan nakicijñpi kta ičiconzapi.

Le Jerusalem etkiya aye kin heñan wicaša wakan wocekiye wokoyake skaška onpi na tokaheya yewicakijapi na unmapi kin ihakam yapi. Anpetu tona igluwinyeyapi. July 14, he anpetu kin ošan wana buwicahingla. Otonwane

tiyopa qon isikecin yuhlok iyeyapi kin he icunhan Turks kin wan awicakalapi hea. Inyan ko kiconpi. Peta ko awicakalapi, Qeyas Christians kin sutaya najñpi. Anpetu ataya hepapi za oiyokpaze eñanl akiyustampi. Anpo kajanjan aye kin icunhan ake econpi. Anonkatanhan hla ohitkapi ka. Mazaškaskan oape ota econpi qeyas unmani ohiyapi šni. Christians kin wana wacin ibosaška kinicapi eñanl akicita wan wahacanka iyoyanpa yuha ca Mount Olives eciyatanhan hinajin na walitagya ob econ wicaši. Le Godfrey wanyakin na heya. "Mahpiya tanhan walitake onšipi wiunkiyutapi kin he wanlakapi huwo?" Christians kin wašak-hinglapi na ake tel-yakel iyoptapi. Akicita qon mnaša se hinglapi na otonwane kin timahe iyayapi na Turks kin yuktantkan owicakuwapi. Turks qon taku ikcekecka se inšehan osungye ihpeywicayapi. Inšehan tawepi qon mini kaluze kin iyecel minitan. Mosiem na Mahommedan wocekiye kin ibangyapi na Christian wocekiye kin ohiya on Wakantanka Cihintku makoce wan el onye qon he ake gluhapi. Christians kin ehaš wotansak te se ake okablayehei makoce wakan kin akanl opiičiyapi. Wopila on taku wocon ota econpi.

Wana otonwane kin he tawapi on wicašayatapi wanji kahñigapi, yunkan Godfrey hee. Tka Godfrey wicašayatapi he woyunihan wocaje yate cin šni. Nakan wicašayatapi wokoyake kin hena cin šni, iyotanš wicašayatapi tawapošan kin he. Heya: "Le makoce wakan kin el Jesus kacišyapi na wapepe wan pošan kiyapi yunkan el woinnayan wakoblakin kta iyecetu šni. Eyaš Jesus hapi makoce awanyanka emakijapi kta wacin."

(To be continued.)

MAZASKA AWANYAKA WANJINA.

Cannon Ball, N. Dak. Dec. 18, '06.
Dear Father Jerome:—

Inyan wakagaapi
el mazaska awanyaka wanjina dena
kicunpi.

Ruth Alice Two Bears	\$1.00
Asie Cottonwood	.15
Jerome Cottonwood	.15
Clarence Cottonwood	.15
Isabell Two Nonorn	.20
Helen Two Nonorn	.15
Annie Two Nonorn	.50
Clara Kill Spotted	.50
Paul Fastnorse	.20
Joseph Red Bow	.50
Valentine Strike Many	.10
Mrs. Two Nonorn	.55
Pteskawin	.10
Andrew Iron Road	.50
Anpetudutawin cunwintku	.25
Alma Redfish	.25
Sydney Red Dog	.35
Sarrañ Wakicagewin	.25
Louis Hat wanyuha	.25
Jane Fast Horse	.10
Ataya	6.00

PAUL FASTHORSE.

TANŠNAON WAKPALA
omniciye nahaliči tipī wakan wan yuhapi šni, tka wanji kaġapi kta on wana omaka šakpe wamnakiyapi. Le omaka mnayanpi \$97.55. Le nan taninyan yuhapi \$287.13. Mazaska hena mazaska tipī el eġnakapi. mazaska kin otioyohi omaka wanji aicage 5cts. henakeca.

Owakpanni Fred Cannopamakigle tipiwakan wacekiye wicaša wicohan kin e yuha. iye tanyan econ. Hinan Wakpa omniciye tehan tipī wakan wan kuwapi; hekta omaka nakun le omaka mazaska ota mnayanpi; wana omniciye kin le iyuški- yan unpi. Taku un tipī wakan wašte wan yuhapi; ohanska siyutapi 34; glakinyan 22; wankatuya. timahel 12, wankatuya tankal, maka etanhan can- icipawega tipī akan najin kin ekta 40 Canblaska iyoŋepapi \$100. ikigla- wapi. Cankajipa wicaša \$225.00 na woyute iyawa.

Wicaša toha nakun winyan tona tipī wakan kin le kaġapi on lila wo- waši ota econpi.

Wakantanka hena tanyan slolwi- caya.

ZITKA CIQALA (J. VOUEL).
Cheyenne S. Dak. Dec. 1, 1906.

Wana Eyanpaha kin imicihunni heon lehanl omaka nom on iwacu kta wacin.

Ho mitakuyepi, Tašunkemaza taku wan škanhicina lehantu kin wana tipī wakan wan yuha. Hekta Nov. 29, hehau wana kiciyušanpi. Ho nece akaptula qon hena wocekiye on el unkipi kte qon, he hecetu. He icante wiciwašte hece to. Nitakolapi wanji miye L. BENOIST.

CANNONBALL, N. Dak.
WOWAŠI OMAKIYAPI.

Louisa Van Solen, Lucille Van Solen. Alma Parkin. Scholastica Waški. Valentine Strikes Many. Augustine Littlesfield. Joseph Has no two horns. Paul Fasthorse. Basil Twobear. Claude Killspotted. George Rattlingtail.

PEJI MAQUPI.
ognakapi

Paul Twobear 1
Francis Ireland 1
Alma Parkin 1
Jerome Cottonwood 4

CAN MAQUPI,

Agnes Fredette 1
James Wells 1
Altar Society 1
Henry Yellowhorse 1
Jerome Cottonwood 1

MAKAPETA MAQUPI.
George Strikes many 1
Andrew Ironroad 1

BLO MAQUPI. 1
ojutonpi
Vincent Ironroad 1
Samuel Eagleboy 1
Catherine Walker 1
Marcellus Redtomahawk 1

Wayanota maqupi.
Leo Strikes Many 1
Aġuyapišu Maqupi.
Joseph Has no two horns 1
Pius Twohorses 1
Paul Fasthorse 1
James Reddog 5

Wagmisa Maqupi.
James Reddog 5

Aġuyapi Maqupi.
Jerome Cottonwood 1/2
Marcellus Redtomahawk 1/2
nakun canhanpi.

REV. FATHER FRANCIS. O. S. B.

BEAR CREEK, ALLEN. S. D.
Dec. 17, 1906.

Mitakolapi;—

Bear Creek el St. Jo- seph okolakiciye wan onqonpi tka tohanni taku onahononniyanpi šni. Ho tka lehanl taku wanji onahonci- ciyapi kta awacanmi. Omniciye el wicašapi awanyaka wan on kin heon etanhan epin kte. Taku woiciconze wan oġna on hecina katholic hena onkiconzapi. Tokel wookašniġe. woableze na woowotanla oġna onki- gluhapi kta hecina he oġna canku yeya waonkitapi na waablesya waa- ontoyanpi kta iyecetu. Wicaša oto- iyohi taku tawapi kin he sloikiyapi. Heon etan mitakolapi. taku wan epa wacin kin lecetu. Tona katholic he- oncapī onkiġilapi hecina hena iyotan taku kin le el eontonwanpi ni ecan- mi, na onkablezapi wašte ke. Taku wan on hepe he hekta omaka 1905 hehan Eyanpaha el lecel wanaon- honpi. Unkitakuyepi wanji ta can- na canwogna oġna yunkin kte kin he mazaska lila ota onkayusotapi sa, na akeš inyan ska wan el eglepi kta on etan nakun mazaska ota onkayu- sotapi na mazaconkaške wan iyotan Lakota kin taku ota ayusotapi na taku onyanpi wan wayazanaka kin tuwa el hi na taku abikašpa canna šunkakan wanji wašte keš qupī na inš taku wanji wašte keš qupī; na wana wayazan kin te ehantans akeš wiłipeyapi na akeš el wašpanyanpi. Yunkan mitakolapi. wicanagi wan te kin iyaye kin he tanyan ihunni naiš

ihunni šni he cin he naġiye onkiči- yapi šni. Yunkan tuwa okašniġe ehantans. titakuye wan te kin lila icante šicin kta tka wicanagi qon he tanyan el ewaoneinpi kta iyecetu. Yunkan Mass wošnapī eye wicašini na el taku conala yusotapi kin iyeš he wašte. Hecel wicanagi qon he wošnapī ecakicunpi kin tahena taku ni ikuše šni tanyan wiconi oihanke wanice ekta iyuškiinyan ihunni kte. Mitakolapi, taku kin le he oġnayan wicanagi iwaštepi, tka iyehanyan wan- onyašapi šni selececa na wicanagi ota wakipa wicunyanpi ecanmi. He on etan mitakolapi. le iyucanpi wa- šte kin heca kin on. blaotanin na omniciye iwašte kta.

Nitakolapi wanji miye
JOHN FAST WOLF.

Cheyenne R. Agency, S. Dak.
Hekta September 9, 1906 el Tan- šna Wakpa omniciye apionkiči-yapi tka tehan waglaotanin šni heon lehan onayašonpi kta; lecel woitancan wi- caqupi.

Phillip Howard. itancan. Paul Crow Eagle okihe. Justin E. Feath- er wowapi kaġa. Fred Cannonpa- makigle mazaska awanyaka. John Canłipisapa wapaha yuha. Justin Feather iapi awanyaka. H. Fisner- man. na Phil. Howard wayazan awan- yakapi. Fred Cannopamakigle wa- mnayan. Joseph Napehokšla. Jo- seph ġintunkasanluta. Louis Chasing Crow na Jesse Wanbliska wigliglapi. Joseph Petakaga tiyopa awanyaka.

Lena wi akenonb Wakantanka wicohan tawa el škiniciyapi kta woici- conze yuhapi. Nitakuyepi wanji JUSTIN E. FEATHER.

Cheyenne Agency, S. D. Jan. 1, '07.
Eyanpaha kin;—

Hekta Oglala oyanke el omniciye tanka na taku tona wo- yušan qon lehantu kin wanjini iyo- pte šni taku on hececa huwo? Okini taku tona yušanpi kin nenakseya eglepi kin heon iyaya okihi šni na- ceca; taku yušanpi kin he tanyan ablezapi na tukte oġna canku ye kicaġapi na he oġna woyušan kaġapi can wašte tka. Nahan leš tukte wanji iyopta ca slolyayapi huwo? ta- ku wake hece cin he wacekiye wicaša tawomnaye ynke kta ca he on maza- ska awanyanka wanjila kte eya wo- yušan qon he wana tukte e hecina. tukte el yanka hecina tuwe oyaka yunkans wašte kte. South Dakota icokata wake na wana omaka teca 1907 hetan wana wacekiye wicaša yukanpi kte. Louis P. Mousseau eye cun wana iyehanu. Hecel wana

iyoptapi kta iyehanu, na tokel wo- kaġaju wicaqupi kta hecin he wana iyehanu; na le tuwa tanyan oyaka okini cin oyake cin wašte kte.

Ho nehanyan epin kta, Nitakolapi wanji miye JUSTIN E. FEATHER.

CHERRY CREEK, S. DAK.
Dec. 31, 1906.

Tona Eyanpaha lawapi,
Mitakolapi;—

Hekta anpetu wakan tanka le oġna waun yelo. Hancock kin le Jesus tonpi on etan- han tpiwakan oġna wacekiye unyu- napi; wicotalica opapi. Nakun han- cogan kin le wicaša wan Šinasapa wocekiye tonpi. Tašunke Wakita eciyapi, osni 57 yuha, hehan mini- awakašan na caġe Joseph waqu yelo. Joseph Tašunk Wakita tawicu itan- can okihe ne.

Anpetu wakan tanka mazaskan- škan 8 wicota Yutapi-wakan icupeio.

George Hunter omniciye tawowa- pi kaġa, Eyanpaha wowapi qu na omniciye anpetu wakan tanka wo- con yuhapi na tokel econpi kin oki- yakapelo.

Šunka Wanbli tehan lote yazan, wana waštela wašte.

Šunkiyanajica tawicu bloketu ita- hena man okini šni; tancan tokeca šni, tka hu yazan. Nunpin ecana aki- sui okinipi kta on Wakantanka wa- ceonkiciyapi wašte kta.

Omaka teca wokakiġe naiš wowi- yuškiin tukte onma awakipa kte hu- wo? Wowiyuškiin he e. Wakantanka toie ohinni anawahoŋtan ehantans. He ecamon ehantans, na omaka ataya ni waon ehantans, Wakantanka ohin- ni waštemakilakin kte cin he slol- waya, heon omaka ata iyuškiinyan waun kta. Na tona omaka teca kin el woahšani cola ŋapi kta, naġi tawapi wankal Wakantanka ti ekta iyayapi kta, na nel ohinni wowiyuškiin tanka yuhapi kta.

Tona Eyanpaha lawapi cante wa- šteya nape ciyuzapelo.

ZITKALA CIQALA.

BAD NATION, S. D. Dec. 10, '06.
Lena St. Joseph okolakiciye oi- tancanpi.

Joseph Jackson itancan. Wm. Horse okine. John Atkinson wowa- pi kaġa. Chas E. Roubideaux ma- zaska awanyaka. Claude Brown Bull iapi awanyaka. Pawnee tiyo- pa awanyaka. Martin Iron Shooter wamnayan. Narcis Jackson na Samuel Kills two wayazan awanya- ka. E. Jackson wiyokine aya. Shield Him. Little Whirlwind, Dick Full Bull na John Ledeaux ogliġlapi.

BAD NATION, S. D.

St. Mary okolakiciye oitancanpi. Mary Jackson itanean. Mrs Wm. Horse okine. Lonisie Roubideaux wowapi kaga. Mary White Bank mazaska awanyaka. Lena Bad Hand iapi awanyaka. Lucinda Whirl-wind-soldier tiyopa awanyaka. Nancy Jackson wokagege awanyaka na Annie Atkinson okine. Alice Nation Woman wiyokine aya. Elizabeth N. Soldier, Elia R. Jackson, Annie Brown Bull na Eva Kills two wigliglapi. Julia Pawnee wamnayan. Lena wi 12 hehanyan Wakantanka ihukuye wowasi econpi kta on wicakalinigapi.

Wocekiye nitawa unyksuyapi kta wacin. JOHN N. SOLDIER.

HOLY ROSARY MISSION,
PINE RIDGE AGENCY, S. D.

Mitakuyepi, Śinasapa owancaya onpi kin le anpetu kin yuonihanyan mniciyapi heciyatanhan on ikcewicaša wocekiye yunapi kin lila iyotiyekeyapi icin lila wahpanicapi kin heon tipiwakan yuhapi kta okinipi śni heciyatanhan on owancaya Catholic ya-onpi kin ekta ahionyatowanpi kta iyenicecapi. Tiwahe wanjila heon-capi na wowicala wanjila onyuhapi heciyatanhan on ti sanpatanhan onkakijapi ca slolyayapi, incin Jesus lecel onkokiyakapi. Enake hein woope teca wanji onqupi, oyasinla wašte kicilakapo; hecel wicoie wanji naonhonpi heon wicaša waštepi kin Wakantanka eciyatanhan wopila eci-ciyapi heciyatanhan on mitakuyepi, sina oyasin eša na wapahlate he ikan tanni eša hiyumakiyapi kin mazašala eša iyopewayin kte na heciyatanhan on ikcewicaša tipiwakan wanji heci wicawecagin kte. Icin tokatakiya wicoicage yuha yapi kte kin hehanyan okolakiciye wakan qel kakijapi kte, icin Jesus taokolakiciye el tona wicalapi kin hena maka akan nahan-lici ni onpi kin hena onkakijapi kin tanka heciyatanhan on takun onyayapi kin ekta ahiontowanpo. Ate-yapi kin na Cinnintku kin na Woni-ya Wakan caje nicipi on nunwe.

Nitakuyepi wanji miye

N. W. BLACK ELK.

Bull Head, S. Dak. Dec. 21. 1906. Mitakuyepi;—

Maka owancaya Śinasapa yaonpi kin el taku tona yakuwapi na hena wookini na hena wicaša aiglaha onspeiciyin kta on wooyušan kecin waun. Yunkan lehanl taku tona awableza on etanhan le wotanin kin wakage. Ito mitakuyepi, hena onkayušanpi śni, yus onqonpi kta

wašte ke. Onkan mitakuyepi. St. Joseph obutkan kin waza oyasin opunpun, canke tokeške onhanpi kin ake hutkan kin teca kte he onkolepi kte. Wicoie wanji awacanmi na on St. Joseph oksan yaonpi kin ciksu-yapi. Wicoie kin he le e. St. John 10.-1.-5. Wicowoyake kin le wan-yankapiye. Wanlakapi kin etanhan wicohan ota wanlakapi na nakun etanhan St. Joseph tawoecon qon he wanjiheci kini kta naceca. Ho wico-han lena wake. Otokahe qon heehan śinasapa okolakiciye icagin kte cin he enan wicohan lececa qeya on etanhan St. Joseph okolakiciye kin inyan-ke. Makoce qel śinasapa qeya onpi kin tawoecon woyuoninan na tawoecon waokiye kta na tawoecon wonaon kta, na tawicowoyake ieyapa-napi kta hececa kinhan St. Joseph onpi qel Christian heca kin nonpa na yamni ecel onpi kta iyecetu. Ho tka lena owasin ecetu śni canke le. hantu kin wicaša wakan kin iyataye-la waecakicon na iyatayela oiciya na iyatayela wicohan gluonihan na iyatayela wicanagi niye wacin na iyatayela wicohan oyakapi yawicake wacin skanpi na anpetu wanjila na okise hehanyela wookiye wiconkica-gapi. Canke heon etanhan wanaka wicaša wakan qon he lecel awacupi selececa. Na on tokel mni kta huwo? ecanmi, na St. Joseph na St. Mary okolakiciye kin tukte etanhan na tu-we ca tantanhan on tokata makoce onma kin ekta wicatanhan qeya ma-ka el hpayapi qon ni na om onkipi kta huwo ecanmi. Na heon tohanu kin wicaša wakan kin waawacnpi kin le ecetu kin hehanl wicanagi wan awanyang onkivapi qon he tuweni epazo kte śni kin on canteonšicapi kte. Wicaša qeya otokane śinasapa okolakiciye iyopte yapi qon he lehan wana tahcaskala qeya wicaša wan ptaya awanwicayake na hena he ece-la ho iyekiyapi, na hecela inakam yapi tka he icunhan wicaša tokeca wan ho uya ecan onman kin napapi na etanhan tonala kutkiya iyayapi qon he iyenicecapi awacanmi, na he-na eepi ca wicohan katungyapi heon le awacannipi kta wašte ke. Tonan-yan wicaša opeya waon kin oyate iyoyam wicawaya ece eya. St. John 9-5-6. Heon etanhan lehantu kin wicaša iyoyanpa nitawa owasin icupi na inš okpaza tawa kin iyacupi ke-canmi. Heon oksan etonwanpi na iyoyanpa wanyeklapu yacnpi hecin, Iye Wanikiye kin tage on onpsija kage cin etan ista ikionpi na Siloam miniyowe yešipi eyapi qon he enipo na on iglujaja po kinhan iyoyanpa nitawa iyeyakiyapi kta ce na ito eya wicohan ota ewakihunni śni tka toksa

ake epin kte. Heon tona le lawapi kin owasin ableza po na tona le la-wapi owasin onkiksuya po.

JEROME S. BROWN.

Dec. 24, 1906.

Mitakuyepi:

Le anpetu kin ake In-yancokaške Waktala etan okolakici-ye wakan onpi kin omniciye tanka wan unyuhapi kta ca womnaye kin iyoptakiyapi qon ake lehanl wicaša lenakeca wicakalinigapi na womnaye kin iyopta ca nayaonpi kta wacin.

Wanbinokšia, Fiehakawanjila, Ohlogeca. Wanblicannonpa. Huša na Wanotayapi. Nitakolapi wanji MAURUS BOBTAIL BULL, Pres.

Hekta waniyetu wikcemna 1896—1897 waniyetu kin hehan waniye-tu otehika. Tona hehan ni onpi kin tanyan kiksuyapi kta. Lila wašman na wicaša tawamakaškanpi ob iyoti-yekiyapi tanka. Hehan waniyetu kin oyanke tokanl makamani icimani pi kin iyanicapi.

Le waniyetu kin 1906—1907 ake iyececa kinica. Oyate kin tehiya onpi—Lakota na wašicun qejaš non-pin. Ake lila wašman. Oomani kin otehike. Tona peji paha kin heyal yata kiglepi qon hena otokšu kin on lila iyotiyekeyapi. Canku kin pajo se yunka canke heyab iyayapi kte cin otehika. Wašicun qeya mako-skani maka icupi kin hena can cocola tipi. Maka peta ece aunpi qon le waniyetu kin lila iyotiyekeyapi. He-mani kin tanyan iyopte śni: Lila wašme lakaš u keš itahena wa iboto ecee on otowahe ecacel makapeta wanica. Tuktektel hemani watokšu wanji otowahe etkiya makapeta au keš itahapiya anaptapi na makapeta kin aikinicipi. Takomni lila wani-yetu tehika!

OWANCAYA WOTANIN.

Wotanin wowapi wan Pollock oto-wahe el yuhapi ca (Pollock Progress) etanhan lecel wayaotaninpi. Lakota tona miniwakan ipipi heca ca htayetu wan hemani oinajin el ai na J. M. Shamm hemani oinajin tipi awanyake kin he lila nagiyeyapi na yuskehan han kuwapi. Htayetu mazaskanskan šakpe canke hemani el masape kin Jos. Rosendall, htayetu wol iyaye kin he icunhan ca Lakota kin tima iya-yapi na lila tanyan skanpi śni. La-kota kin otowahe ikiyela ahitipi na lila miniwakan ipi iciyapi na on lece heci ohanpi. Wanji ahitipi ekta tawicu glaštaka na hecehci tanyanpi śni on

nake otowahe wawoyuspe kin awo-glakapi Lakota wawayanka wan ob i qejaš eya watohanbanyan nahonpi na hankeyaš okinipi capi śni. Lececa eša tukte ogna wicayusnipi kta olepi na eqeš sanpa takuni inhangyapi śni.

Wakpala, S. Dakota etanhan lecehci wotanin wan onyawapi. Lakota heca wan Alfred Harris (Mniyowicakte) eciyapi, ca ota utapi wan on kaŋiyi-ŋiya. Wana tehan heci lecel wicohan wanjini ataya Lakota ehan nawicon-kicilionpi śni. Mniyowicakte he taku wicohan ekta śniyan wanji on wicaša oitancan on wan el ekicipazo on wa-cowicakon. Canke wawanyaka wan oyuspe yešipi tka aku okihi śni. Okiyapi kta on wawanyaka qeya ob ake etkiya yapi, yunkan Mniyowicakte otautapi wan icu nahan iecana tezi ogna ičio na ŋa yunka. Hekta wicoicage in hehan winyan ecela iciktepi—hena nawizi-pi na ins taku hececa on iciktepi qejaš otke iciyapi ogna econpi tka lecehci kaŋiyiciyapi kin he wonaon hece śni. Hekta waniyetu wikcemna hehan koška wan kaŋiyiciya tka hehantan hececa waniea.

Medora, N. Dakota el Dec. 29, hehan wašicu wikoška nom cuwita ŋapi. Lenaš makoce opetonpi on el agle etipi na yankapi ehanl icamna tanka wan hiyu na nonpin cuwita ŋapi. Makoskantu heci yankapi, canke oici-yapi okihi pi śni. Pte awanyanka wan iyewicayin na otowahe ekta abi oyaka canke hena tuwepi hece kin iwicagnipi.

Bemidji, Minn. ekta, Dec. 3, hehan Chabanon, Hahatonwan wicahcalaheca wan Joe Manett nakun Hahatonwan mila wan on capa Island Lake el. Le wicahcala wana heon oyusapi on tohanl wayaco el i kin hel tuweni hehan-yan kan wayaco el i śni slolyapi kta. Iye iyatayela waniyetu opawinge sanpa keya. Le miniwakan ŋatkin na on hecon. Kaniyeca tka wicateca wicohan wan iyopte yin na on hecel akipa. Ite kin lila hinhin qejaš lila blihela opiiciye.

Je Arnold, Tagas otowahe el icagla ti—woju ti. Htayetu ehanl titokanl i na han tehan hece ehanl tiyatakia ku qejaš lehanyela ŋa tka, Glinapin na ku qejaš lila icamna tanka na woblu canke takuni wanyank pica śni. Ištogmus pakihitin na tiyatatakiya gle kin iyececa. Okinaš tamaga kin el opta okawinhwinhya omani naceca, Hececa qejaš katintinyan ye—okinaš takunl iboto iciye kin he tuktel i kin iślol-yin kta on hecon. Ungnahanla tipi kaicanyan inajin, yunkan ti kin ikiyela heci tipi wan el ihunni. Timaheliyaye qe-jaš kaslohan ihpaye. Siha na nape kin span na tokaka niye śni: Lila kuwapi on ecela okinaš ni kta iyukcanpi.

SUPPLEMENT TO THE 'EYANPAHA.'

JANUARY 15, 1907.

YUTAPI WAKAN KIN.

Wicaša wan ebanni owicakaške el okañhol iyeyapi. Lel mahel lila akiñan, ipuza na cuwita on kakiñin na oenaketa ta nunse yunka. Anpetu wan el tokeške wicaša kin le kakiñe kin he wicašayatapi kin slolya cin na takomni iye iyatayela wanyankin kta cin. Wokoyake wašte qon glušlokin na owicakaške ekta okitanin šniyan wakoyakin na wicaša wan kaškapi kin wanyank i. Tokeške yanke kin iyunga tkaš kaškapi kin lila cante šica on ecacañci ayuta šni na ayapte šni. Wicašayatapi kin kigla. Owicakaške awanyanke kin, kaškapi kin nekiya: "He tuwe ca winiyunge kin slolyaya he? he wicašayatapi kin iye iyatayela e." "Wicašayatapi kin hee he! umašike hee çon el mahi. He e slolwaya yunkaš ihuku ihpemiçiyin na taku šica ecamon on makaškapi qon he, amiçiktonje waši icewakiyin na tohanyanhan eye šni kin hehan-yan yus wauu kta tka. Hehehi! hel ecela tka waglušna—hel ecela maki-yuškin kta tka. Tka wana tokel haupi ca šni."

Tona le lawapi kin hena le wicowoyake kin le oyakañinigiapi naceca. Kaškapi wan kakiñe kin he maka akanl wicaša towokakije kin hee.

Mañpiya ekta untipi hee kin heciya na maka akanl wayaka na oicruani wan igluwinyeya tohanhunni-yan ni onqonpi kta he ogna maun-nipi.

Jesus Christ. Itancan unkitawapi kin. Mary Ina unyanpi kin. ogligie wakan na wanagi waštepi qon, na on-kititakuyepi qeya wana ihpeya unki-yapi qon hena wicitehanyan unqonpi. Tka wicaša wocekiye opapi kin hena le wicaša wan kaškapi yanke qon he iyececapi. Jesus Christ. Wicašayatapi hee çon he el šna wicahi na wicikiyela šna onnyan tka slolyapi šni. Tka heceñci Jesus Christ wicikiyela on kin he slolkiyapi šni he? Okitanin šniyan el wicahi yelakaš hececa. Itancan unkitawapi kin nonpakiya onnya. Mañpiya ekta Atkuku Wakantanka kici on na maka akanl Yutapi wakan el nakun un. Winyan wakan wan St. Teresa lecel ekiya: "Ito Jesus Christ maka akanl ni on qon hehan ni waon qeš, tokeñci wašte hee cin tanyan wablakin kta tka." Canke St. Teresa iña na heya: "He

slolyaye šni yelaka, yutapi wakan el. tipi wakan el onkikiyela on kin." Han. Yutapi wakan el Jesus Tawe na Tancan kin on. Hel okitanin šni yan el on. He wookañniçe oteñika tka takomni hecetu hea na heon etanhan taku on wowicake kin oblakin kta. Wowapi wakan etanhan, St. John tawicowoyake isakpe etanhan naunñonpi: Taku wowicake na wosololyeñca lececa qon he Jew oyate kin hena Jesus onspewicakiya tka be etkiya wicayuwinyeya heci okañniñ wicaye šni kin okinaš taku otā woocetongla kin kta tka ikokam wowakta wicaqu. Tohanl Wakantanka taku heci econ kta canna ikokam wicaš, kin iwakta wicaya ecee. Wanaš mni-tan tanka kte çon hehan he waniyetu opawinge ikokam Wakantanka Noah iwakta ya. Hececa kin igluwinyeya kta. Akeš Wakantanka Cinnintku kin maka akanl u kte çon hehan St. John the Baptsit oyate kin kohan wicayuwinyeya. Akeš Jerusalem otonwahe kin Jesus ihangyin kte qon, hehan ikokam Waayata qeya oyak wicakiye na Jesus Christ taku wakta onyanpi na igluwinyeya unšipi kin he maka ihanke wau u kte çon hee. Wakantanka oyate onšiwicakila ye lakaš ognahanla yukseknag yušinye wicayin kta cin šni on taku econ kte kin hena ikokam iwakta wicaya. Leceñci Wakantanka kin wicaša etkiya waecon.

Ho heon etanhan Jesus tancan na we qon hena oyate wicaqu kte qon he ikokam iwakta wicaya na on le wookañniçe oteñike kin etkiya wicayuwinyeya na taku wan on atanin-yan wicikokam pazo. Aguyapi ošpe zaptan hoğan nom on oyate koktopawinge zaptan wipi wicaya. Le hecon qon hehan oyate kin Jesus wicašayatapi kağapi cinpi tka cin šni on napa. Ininnanna ehanl ake iyeyapi, canke nenanl waonspewicakiya na hewicakiya. "Awicakehan eciciyapi. Taku woecon wan waniakapi qon he e šni tka aguyapi ošpe wan temyaçapi na inipipi on omayalepi. Woyute wan henaia sa qon he awowaš econpi šni po, tka ee woyute oihanke wanica wan Wicaša Cinca kin he niçupi kte con he ecela kta." Le el woyute wan wicaqu kte con he oihanke wanica keya. Leceñci wanañonpi yunkan lila inihanpi na on sanpa mañpiyatanhan woyute kin heciyatanhan na le woyute wan "Manna" mañpiya

eciyanhan Wakantanka Jew oyate abinñpaye, wicaye qon he isanpa wašte hecina he iyungapi. Yunkan Jesus hewicakiya: "Awicakehan, awicakehan eciciyapi. Moses mañpiya eciyatanhan woyute kin he nicupi šni, tka Ate ee mañpiyatanhan aguyapi nicupi. Mañpiyatan Wakantanka tağuyapi kin he maka akanl wiconi niya. Le el le aguyapi wan Wicotakuye. Tannin el woyute wan "manna" eciciyapi he kapeya wašte keya canke Jews štelapi na he-yapi; "Itancan le aguyapi kin ohinni unqupi ye." Canke Jesus hewicakiya. Wiconi aguyapi kin he miye. Nihunkakepi kin "manna" yutapi eš tapi. Aguyapi kin le mañpiyatanhan ni na wicaša wanji he yute kin tin kte šni. Aguyapi ni un mañpiyatanhan hi kin he miye. Aguyapi kin le tuwa yute kin ohinniyan ni un kta na aguyapi wan cicupi kte cin he micelipi, maka akanl on wiconi ni kte cin hee. Tuwa micelipi yutin na mawe yatke kin wiconi oihanke wanyice yuha kta. Miceñpi kin he talo hea na mawe kin he woyatke hea. Tuwa micelipi yutin na mawe yatke kin he iye el mauu na miš miye kici wauu kta." Yunkan waonspewicakiye qon hena le nañonpi na heçapi: "Le wonañon kin suta ca tokiniš nañonpi ca šni." Jesus waonspewicakiye kin iyokipipi šni slolye canke hewicakiye. "Le išteciyapi huwo?" na isanpa hewicakiya. "Awicakehan, awicakehan eciciyapi, Wicaša Cinca qon he ta-ceñpi kin yatapi šni kin na tawe la-tkanpi šni kin niyeñi el wiconi lunapi kte šni." Le waonspewicakiye nañonpi wanjiçgi heçab iyayapi na hehanyela inakam manipi Jesus toie on heceñci econpi, canke taokine ake nonpa qon hewicakiya. "Nišiya tokanl ilalapi kta he?" Yunkan Simon Peter awicakiciyuptin na heya. "Itancan, tuwa etkiya unyanpi kta he? Wiconi oihanke wanica woeye ece luha. Hena wicaunlapi na Wakantanka Cinnintku he Niye kin slolonyanpi." Woayupte kin he el wicoie tona onpi kin hena Taokinepi tawowicala qon he oiglakapi. Itancan tawapi qon he wicoie tona iye keša he iyuha iyo-winyanpi na wicalapi. Wakantanka wicagnayan okini šni na tuweni gna-yan okini šni kin tanyan okañniçapi. na slolyapi yelakaš taku eye cin he na wana wowakta hea ecee.

WICACEJI WAN OWEWAKAN-KANSA (ITONSNISA).

Owewakankapi sa (Itonpi šni sa) kin maka owancaya woštece. Owewakankapisa kin Wakantanka etkiya nakun iyotan woštece na heon owewakankanpi kin awicablezadi na he wiconan kin wañtelapi šni kta. Wakantanka etkiya na wicaša etkiya nonpin wicaša owewakankalsa kin he šicelapi kta.

Wicaša oie owotanla kin oyate kin yuoninanpi kin he woyuoninantanka hea. Jesus. Nathaniel etkiya u yunkan hekiya: "Wanyakapo, Israelite kin le taku woeye kta šniyan nice." Yunkan wicaša wan tuwe keceyaš leceñci oie owotanla on yuoninanpi kin, sanpa taku wašte cin pica he? Wicaša wan owotanla ece waeye ehantans wowacinyeñca. Taku eye qon he wowicake yelakaš wacinye pica na oie kin on wowakta hea. Wicaša oie owotanla kin he taku eye cin hena cante eciyatanhan ece waeye lakaš wowicake. Wicaša wan leceñci wowicake on ocašton ke ehantans he çaje ihankeya wašte hea wan yuha. Oie owotanla kin heon tuweni gna ya okini šni. Taku eye kin hena hecetu hea ece; oie on tuwe keceyaš wacinyapi okinipi.

Ho tka lehanl wicaša wan oie owotanla qon he unma eciyatanhan inš wicaša wan owewakankan sa ca on. Owewakankan on oyate kin wicagnaye sa na nakun iye iyatayela ke eša içignaye sa on tuweni, nakun iye qeyaš, wacinye šni. Iye oie on lila hukuciye la igluza. Taku eye tuweni wicakela šni. Wicaša wan leceñci owewakankan sa kin he ihankeya wicacaje šica yuha, na wicaša hececa qon ee wicaša wašte kin koki-papi.

Owewakankanpi sa kin heon wicacaje iglušcari. Incin tuwe owewakankan sa kin he nakun taku owotanla econ okihi šni heon, oie inš oñan ekta qeyaš. Tuwe wan leceñci owewakankan sa na iyašlal yapi ehantans takomni nakun tohanl wowicake eye keš cetonglapi ecee. Heyapi sa, "tuwe owewakankan sa kin wancala slolwaye kin he inonpa wicawala kte šni." Tuwe owewakan-kan sa kin iye toie on nakun wakipa sa. Wicagnayin kta kecin keš iye içignayan.

Wicaša wan otonwahe el i nahan okiyapi cin on wicagnayan cin na huweganhan keya oiglaka. Heyin-na ocanku oomani ogna yahan yun-kan ongnahela naslutin na hupaweğa. Tona le ikokam owicakiyake qon hena heyapi. "Tokius huniwegahan on oniciyapi yacin se ce qon onyagnayanpi. Tuwa slołniye šni kin tokeša oniciyin kta." Tkaš tuweni okiye šni. Le wicaša kin Wakantanka nañon šni kecin na on oyate wicagnayan cin tka ehaas toie on wowahtani wan wokakije ahinñipaye—waighitani." Hokšila wan talica šunkala awanwicayankin na oyate wicagnayan tka taku wan on wicagnaye qon ne ehaas hecetu hingla tka tuweni gnaye šni iye isñala waa-kiya. Le na lecekce ecetu kin Wakantanka tanyan slolye lakaš—yua-tanin sa hececa kin oyate kin wan-yakapi na slolyapi kta on. "Wowicake wan maka namahel iyeeyapi ešaš akeš inajin kta." Wakantanka taku ke eša slolye lakaš wicaša etkiya taku ota ašialyela wicakiyutanin. Wowicake šni on wicacaje yušicapi kin hena lye tanyan slolye. Owewakankampi on wicaša wan aiapi na awayušan icipila eša tokata anpetu wan el Wakantanka yuāslatin kta. Ehanni wicaša waštešte ota wowicake šni on wicaktepi na hena wicayukakijapi tkaš "tokša Wakantanka ecela waoslolye ca hecela wačin wakiya" awacinpi on kakis wicayapi eša iyo-winyanpi.

Owewakankampi kin he woope kicaksapi. Owehanñanyan owewakankampi kin he keyaš hecetu šni. Tona ob onqonpi kin hena tanyan iyokipi-ya ob onqonpi kta onciñpi ehantans owehanñanyan owekankampi unka-gapi kte šni—wicoie wiconkicagapi kte šni. Tuwe wan tanyan okola onyampi keunkecinpi na wicoie un-kagapi ehantans okinaš onkiçignayanpi kta na on iyokipi šni onkiçiyapi kta. Heon owehanñan owewakankampi kin he heyab naunñinpi kta.

Ehanni oyate qeşa onpi kin taku wanjigji oštešteya woope yuhapi na on taku ecetu šni kin kena on el etonwanpi. Tuwe owewakankan sa on oyate kin el ocaštonyan on na on wokaške on el etonwanpi kta canna lila kakiswicayapi. Hehan tuwe owewakankan on mazaska hica wan iyecei nahma mazaska iwicagnaye kage qon ne iyecei yawapi. Mazaska wan heca hce šni tka iyecei kagapi na on wicagnayanpi na woiyawa on wayunapi kte hecin on heconpi qon ne tuwe hecon iyašialyapi kin woo-pe sutañica on el etonwanpi. Le woope lehanu kayeš lila woiyagayapi. Mazaska hica qon ne tona on iyawapi

ke eša woiyape šni—kagi šni wio-
peyapi okihipi. Tka mazaska wan
heca hce šni tka iwicagnaye on
kagapi na woiyagayapi kta kecinpi
qon ne woiyape ka—tuwe mazaska
hececa el ikoyak içiye kin cantešicin
kta. Wicaša owotanla waeye qon ne
toie kin he mazaska hica wan woiyo-
pe šni qon ne iyecei ya wowacinye.
Wicaša wan owewakankan sa qon ne
iwicagnaye mazaska wan woiyape
qon ne iyececa. Ehanni wicaša
wan Pampñilus eciyapi ca lila owe-
ankampi on tuweni ktele šni. Wi-
caša kin oyate kin lila wañtelapi
šni. Ta tkaš wicašayatapi Emperor
Claudius, Pampñilus tancan kin wi-
cahapi etanñan yuñlok wicaši na šun-
ka na taku tateca yute sa qon nena
yutapi kta on wicaqu wicaši. na ta-
woyuna kin kipi na tawicu na cinca
kin—oyanke tokanl kahab iyeewica-
yapi. Le lila oyate el owewakan-
kan sa on waoskiške ota kaga lakaš
hecakiconpi. Akeš hehan akicita
wan owewakankan sa on waoskiške
ya canke yacopi na Persia el wicaya-
yatapi kin, King Artaxerxes iye
iyatayela wokaške qu. Ceji kin
akanl yamni kiya masiyokatan ka-
ñlokapi kta yušan. Lecelici owe-
wakankan sa qon ne ehanni yukaki-
japi. Tka lehanu kin owewakan-
kampi kin aoptetu šni. Le wokaške
qeşa owewakankan wan on yukaki-
japi woope kin hena lehanu kin he-
cena qeš toketu kta huwo? Tka
Waayara wan Jeremias eciyapi kin
neya: "Ceji kin hecel glaunsepi
yelakaš heon owewakankampi." Ta-
ku keceyaš woeye wañ on wowicaša
šni, woate na wokamna el woiyag-
yapi ehantans heza owewakampi on
wicoñan iyoptyapi heca. Lehanl tu-
we keceyaš taku kamna kta cin naceca
tka tuwe woowotanla ogna waigla-
mna kin he imnay-hei wayuna kta.
Tka tuwe wowicake šni on, wowicaša
šni wakamna ehantans ne wamañon
iyececa. Ehanni Caesarius wicaša-
yatapi qon hehan wicaša nom mazo-
piye yunapi. Yunkan anpetu wan el
onakiçitakapi na wakampi kin he
el owewakankampi on wowicaša šni
ikicigmunpi. Canke wicakiciyuowan-
pi. Tanyan wakampi kta ehaas
sanpa jica cinpi on owewakankampi
wicoñan onpi owicakiciyakapi; yunkan
wakampi kta on he wicoñan iyopty-
yapi keyapi na takomni el wowicaša
šni eceia on samsam awakampi qon
he ayušanpi kin wakampi šni na
lila unsi hinglapi kta keyapi tka "owo-
tanla ece taku wiopeyayapi kin oki-
wanjila iyaglawapi kin lila oyate kin
el ni upi kta tka wicayagnayanpi sa on
nape wicayayapi," ewicakiyapi. Canke
akiblezapi na he ogna econpi. Yun-

kan oyate inšiya awicablezapi na taku
owotanla woiyawa ece on wakampi
owicakahnigapi canke el ecela ayin na
wopetonpi. Le woowotanla on tanyan
wakampi.

Ehanni wicašayatapi wan Naaman
banhanpi woyazan ececa. Eliseus, Wa-
ayata kin, he kuwa na asniya. Na-
man asniyapi on Eliseus woiyaca on
kiçicaju kta keya, tka wicala šni.
Le heye kin hehan Eliseus tawowaši
wan, Giezi eciyapi ca el najin na na-
hon. Canke Naaman kigle. Yunkan
Giezi hecin. Le wokajuju wan Eli-
seus qupi kta tka wicala šni kin he
ito miye e ostan iwacu yanke,"
ecin na wancak ihakam etapa—iyaye
šni hanna wowaši nom ihakam u wi-
wicaši canke ihakam yapi. Wana Na-
man iyeca he otapapi kin slokiya
canke ableza yunkan Eliseus tawowaši
qon ne eca u canke yuonihanyan ta-
canpagmiyanpi etanñan giyopsica na
itkokipa.

Naaman heya: "Taku on yau huwo?"

Giezi heye: "Eliseus u maši, Mount
Ephraim eciyatanhan cinca nom le
upi kin hena hipi ca mazaska woqin
(talents) wanjigji na oigluze nom nom
wicayagu kta." Naaman conala wica-
qu kte con aiçiste ce kin na. "Wan-
cak mazaska woqin nom nom na oi-
gluze nom nom wicaqu kta iyonici-
pi kin he ogna ecamon kta." Canke Giezi
iyokipiye lici iyowinyan. Giezi wana
lila jica kecin. Lila jica on taku tona
on iyokipiya on kte qon awacin. Taku
tona qupi qon hena nahma. Tuweni
slolye šni, tuweni oyakin kte šni kecin.
Ugnahanla Eliseus iyunga, toki i na
taku agli na tukte el gnake qon he
iyunge qeşa lila anakihma. Canke
Eliseus hececa qeşa iyašialya ayin
na hekiya. "Le oweniwakankan kin
he on wokakije el niñi kta. Hanhanpi
kin he niye na nicinca ko ob tohan-
yan yani kin behanyan inikoyakapi
kta."

Tuwe owewakankan canna necehici
wokakije qeš lehanl wokakije kin heon
pejuta wicaša kin ozkize šni le woy-
zan kin ecela kuwa hanpi kta kta.

CHEYENNE AGENCY, S. DAK.

Dec. 14, 1906.

Hinhanwakpa omniciye el Henry
Deaucheneaux lenakeca Christmas on
wamñayan.

Jesse Hodgkiss	\$ 2.00
Rosalie Hodgkiss	2.00
Angelica Ducheneaux	2.00
Harry Ironhorse	2.00
Isabel Ironhorse	1.00
Leo Ironhorse	.05
Henry Ducheneaux	1.00
Lilie Ducheneaux	1.00
Jacob Thompson	1.00
Josephine Thompson	1.00
Addie Landreau	1.00
Emily Landreau	1.00
Josephine Whitney	5.00
William Lebeau	1.00
Alfred Brock	1.00
Louis Brock 1.00	1.00
Owen Bear-ear	.25
Edward Ducheneaux	.50
Ernest Ducheneaux	.50
Charley Arpan	1.00

George Larrabe	.10
Louis Benoist	.25
Laura Benoist	.25
Elsie Benoist	.25
Fidelia Benoist	.25
Nellie Brown	.50
Victor Ducheneaux	.12
Philip Howard	.25
Oscar Hodgkiss	.50
Louis Garreau	.10
Whitlock & Oberly	1.00
George Iron Wing	.10
Jos. Dubray	.20
Norman Robertson	.25
Albert Lebeau	.25
Edward Lebeau	.50
Sam Dolphus	.01
Edward Bird Necklace	.25
John Larock	1.00
Ernest Arpan	.50
Moses Lebeau	.50
Baptist Lebeau	.50
Justin Eaglefeather	.10
Edward Rice	.25
Charley Pretty-bear	.10
Frank Meeter	1.00
Douglas Ducheneaux	.25
Vital Lacompt	.25
Dennis Lacompt	.25
Yuwitaya	\$35.13

Lenakeca Henry Ducheneaux mba-
yan, na taku ikceya wakiconpi kin
inš lenakeca—

Maggie Ducheneaux 1 bbl of apples.
Jeff Hodgkiss 1 bbl. of apples.
Frank Hill 1 calf.
Felix Lebeau 1 sheep
Frank Ducheneau 1 box of crackers.
Camillus Ducheneaux 1 box of "
Dellia Thompson 1 box of "
Louis Landreau 1 pig
Maggie Ducheneaux 1 pail of candy.
Frank Ducheneaux 1 load of wood.
Sophie Ducheneaux 1 sack of potatoes.
Douglas Ducheneaux 2 chickens.
Louis Ducheneaux 5 cans oysters.
Baptist Ducheneaux 1 can of apples.
Joe Ducheneaux 50cts of oyster crackers.
Albert Ducheneaux 5 cans of oysters.
Robert Arpan 1 yearling calf.

FRANK ICIPILA, Sec'y.

BEAR CREEK, S. D. Dec. 13, 1906

Lecala kese omniciye wan unyuhapi
caje kin wicaša wakap toomniciye eci-
yapi na wašicun iya General Review
Meeting he omniciye kin okaše yamni
on igluwitaya St. Joseph na St. Mary
Bear Creek, S. Dakota na Corn Creek,
S. D., na Lake Creek, S. D. lena yamni
on igluwitayapi. Yuwitaya mniciyapi.
Ho hecel le wanyakapo. Jesus Christ
oyate egnana kin waniyetu wikcemua
yamni Nazareth el okitanin šni, on
oyate el wana tanyan on kte cin iyehan-
tu qon hehan John Baptist hokšila ehan,
hewoskan on kin usi na oyate kin waho-
konwicakiye wicaši, miniawicakaštan
wicaši, iyopeciye wicaši, wakan woglak
wicaši; heon etanñan unkitawapi tuwa
tehiya igluze kin, tehiya a hakiton, tehiya
wote cin el Itancan caje kin on kte.
Tacinca Wakantanka tawa oyate wa-
ñtanipi kin yutokan iyeye kte cin he
wanyakapo. Ho mitakuyepi, le onkeyapi
kin hecetu. Eyanpaha takola wanji,

JAS. P. RANDALL